

**IBES d.o.o.** Sarajevo, sa sjedištem u ulici Bravadžiluk broj 5, 71 000 Sarajevo, ID broj: 4200170070007, koga zastupa zakonski zastupnik Ibrahimagić Edin (u daljem tekstu: **Ugostitelj**) i

**JU OSNOVNA ŠKOLA HASAN KAIMIJA** ul. Cicin Han 93, 7100 Sarajevo, ID broj: 4200237240000, koga zastupa direktor Alija Džigal(u daljem tekstu: **Naručilac usluga**)

zaključili su dana 25.05.2018. godine u Sarajevu

## **Ugovor o pružanju ugostiteljskih usluga**

### **Član 1.**

Predmet Ugovora o pružanju ugostiteljskih usluga (u daljem tekstu: Ugovor) jesu ugostiteljske usluge koje Ugostitelj pruža Naručiocu usluga.

### **Član 2.**

Ugostitelj se obavezuje da Naručiocu usluga pruži ugostiteljske usluge koje se sastoje od obezbjeđivanja hrane i pića na prijemu za ukupno 43 osobe.

### **Član 3.**

Hrana i piće navedeni iz člana 2. Ugovora bliže su precizirani u Ponudi Ugostitelja koja je Naručiocu usluga bila prezentirana prije potpisivanja Ugovora, a koja je sastavni dio Ugovora.

### **Član 4.**

Obavezuje se Ugostitelj da će na ime blagovremene, potpune i savjesne realizacije naručenih ugostiteljskih usluga obezbijediti Naručiocu usluga rad dovoljan broj poslužitelja/konobara, koji će biti propisno odjeveni (crne hlače, crne cipele, bijela košulja, prsluk, leptir mašna), kao i potreban mobilijar (tanjiri, escajg, pepeljare, salvete, stolnjaci).

#### Član 5.

Obavezuje se Naručilac usluga Ugostitelju za usluge iz člana 2. Ugovora isplatiti novčani iznos od 1257,75 KM (slovima: hiljadu, dvije stotine, pedeset sedam KM i sedamdeset pet KF).

Ugostitelj se obavezuje da u skladu sa odredbama Zakona o poreza na dodanu vrijednost Bosne i Hercegovine Naručiocu usluga po pružanju ugostiteljskih usluga ispostavi fakturu.

#### Član 6.

Obavezuje se Naručilac usluga da Ugostitelju isplati ugovoreni novčani iznos u roku od 30 dana od izvršene usluge.

#### Član 7.

Ukoliko se na prijemu pojavi veći broj osoba, nego što je predviđeno članom 2. Ugovora, Ugostitelj nema obavezu da gostima pruži ugostiteljske usluge u većem obimu od ugovorenog (npr. služenje dodatne hrane ili pića, obezbjeđenje stolica, stolova i sl.)

U slučaju iz prethodnog stava, Ugostitelj i Naručilac usluga imaju mogućnost naknadno dogovoriti izmjenu ovog Ugovora tako što će precizirati ugovorne uslove za neplanirane goste prijema.

Ukoliko se na prijemu pojavi manji broj osoba nego što je predviđen članom 2. Ugovora, Naučitelj usluga nema pravo da zahtijeva smanjenje ugovorene cijene.

#### Član 8.

Naručilac usluga ima pravo otkazati predmetni Ugovor najkasnije tri dana prije ugovorenog termina održavanja prijema. Naručilac usluga ima pravo Ugostitelja obavijestiti o izmjenama detalja Ugovora (broja gostiju, izbora menija i sl.) najkasnije dva dana prije ugovorenog termina održavanja prijema.

Ukoliko Naručilac usluga propusti da Ugostitelja obavijesti o otkazu ili izmjeni ugovora u prethodno navedenim vremenskim rokovim, bit će dužan Ugostitelju nadoknaditi svu nastalu materijalnu štetu.

#### Član 9.

Dan održavanja prijema na kojem će Ugostitelj Naručiocu usluga pružiti ugostiteljske usluge jeste 31.05.2018.

Vrijeme početka prijema jeste 20:00h.

Vrijeme kraja prijema jeste 22:00 h.

#### Član 10.

Obavezuje se Naručilac usluga Ugostitelju nadoknaditi svu materijalnu štetu koja mu eventualno nastane zbog postupaka Naručioca usluga ili gostiju prijema.

Ugostitelj je obavezan odmah po okončanju prijema Naručiocu usluga ukazati na materijalnu štetu iz prethodnog stava ovog člana.

Ukoliko se nastala materijalna šteta običnom pažnjom Ugostitelja nije mogla primijetiti po okončanju prijema, Ugostitelj zadržava pravo da o istoj obavijesti Naručioca usluga u roku od 8 dana od okončanja prijema.

Naručioc usluga ima pravo da po obavještenju Ugostitelja iz prethodnog stava, detaljno pregleda nastalu materijalnu štetu, te se uvjeri u osnovanost Ugostiteljevih navoda.

Ugostitelj je ovlašten Naručiocu usluga uvećati cijenu izvršenih ugostiteljskih usluga za vrijednost nastale materijalne štete.

#### Član 11.

Ugostitelj ne odgovara za eventualno nastalu materijalnu štetu na prijemu počinjenu na imovini trećih lica, osim ako je takvu štetu počinio Ugostitelj ili neko od njegovih zaposlenika.

#### Član 12.

Naručioc usluga je obavezan Ugostitelja najkasnije jedan dan prije početka prijema obavijestiti da li neko od gostiju pati od bolesti ili alergije, kako bi Ugostitelj mogao na vrijeme reagovati, te propisno obilježiti hranu koja se servira.

#### Član 13.

Ukoliko bi bilo koje odredbe ovog Ugovora bile u suprotnosti sa obaveznim odredbama zakona ili bi zbog bilo kog razloga postale nesprovodive, pravni učinak preostalih zakonitih odredbi time neće biti ugrožen. U takvom slučaju, Ugovorne strane će zamijeniti ništave odredbe važećim odredbama koje su najbližnije tim odredbama u smislu postizanja ekonomskih rezultata koji su cilj Ugovora.

Kako bi bila važeća, bilo koja izmjena ovog Ugovora mora biti u pisanom obliku. Klausula o pisanoj formi se može ukinuti jedino u pismenom obliku.

Ovaj Ugovor predstavlja cjelokupni dogovor između ugovornih strana u pogledu predmeta Ugovora, te obuhvata i nadilazi sve ranije pisane ili usmene sporazume i dogovore između ugovornih strana koje se odnose na predmet ovog Ugovora. Osim onoga što je izričito


definisano ovim Ugovorom, nikakva drugačija ili dodatna obećanja ili garancije bilo koje vrste nisu učinjena kako bi se navelo ugovorne strane da potpišu ovaj Ugovor.

#### Član 14.



Eventualne sporove Ugovorne strane će rješavati sporazumom, a u slučaju nemogućnosti postizanja sporazumnog rješenja ugovara se nadležnost stvarno i mjesno nadležnog suda u Sarajevu. Ugovorne strane su saglasne da za sve odnose koji nisu uređeni ovim Ugovorom važe.

#### Član 15.

Ugovor je sačinjen u 2 primjerka, od kojih svaka od ugovornih strana zadržava po jedan primjerak.

IBES d.o.o., Sarajevo  
zastupan po direktoru Ibrahimagić Edinu

  
  
Hajro Kaimurović  
09-255-1118  
25-05-2018